


გამოიცემა კვარტალში ერთხელ
ფასი 1 ლარი

ნირსეული ქაობა

N2



ზამთარი, 2016 წ.



მარიამ მესტიაშვილის ნახატი, 15 წლის

„არჩეული
პროფესია უნდა
შეესაბამებოდეს
პიროვნების
ინტერესებსა და
ღირებულებებს“

3-5

ახალგაზრდული
პრობლემები

5-6

გულინები

6

„ძვლებიც კი
ფიქრობს
საქართველოზე“

7-8

„აქტიური
ახალგაზრდა“

8

მასწავლებლის
გვერდი

10-11

ქრისტიანული
იბავეები

11

„ჩვენი ენა
ქართული“

11

რედაქციონის ვერტი

რელაქსაციისა და

ძვირფასო მკითხველებო!

აი, უკვე ჩვენი მეორე ნომერიც გამოდის. მრავალ ადამიანს გაუჩნდა სურვილი დახმარებოდა ჩვენს წამოწყებას. გვიხარია, თქვენს თანადგომას რომ ვგრძნობთ და მთელი გულით გიხდით მადლობას.

ჩვენ ისევ ჩვენს პრობლემებზე ვწერთ. სამწუხაროა, მაგრამ ისეთი დრო დადგა, ალბათ, კიდევ უფრო დიდხანს მოგვინევს ერთმანეთს გავუზიაროთ ჩვენი გულსტკივილი. ერთად დავდგეთ, ერთმანეთს ხელები ჩავჭიდოთ და გადავდგათ ნაბიჯები წინ, უკეთესი მომავლისაკენ.

შეიძლება ვინმემ იკითხოს რა არის ჩვენი მიზანი?

ჩვენი მიზანი უკეთესი საქართველოს შექმნაა. გვსურს გავუფრთხილდეთ იმ ღირებულებებს, რითაც ჩვენმა წინაპრებმა შეგვინარჩუნეს სამშობლო.

ჩვენ გვსურს „ჩვენი თავი ჩვენადვე გვეყუდნოდეს“, ამიტომ მოქმედების დროა. რასაც შევძლებთ და როგორც შევძლებთ, გვჯერა, „ცუდად ხომ მაინც არა ჩაივლის...“

ძალა ერთობაშია! „კაცთაგან შეუძლებელი კი, შესაძლებელია ღვთისა მიერ.“



ალექსანდრე გუნიას ფოტო, 13 ნლის

როგორ სვირსიოთ პროფესია?

პროფესიული ორიენტაცია - ანუ ჯერ შეიძინე თავე შენი



Nosce te ipsum - ამბობდნენ ძველი რომაელები. ნებისმიერი ცვლილება ცხოვრებაში საკუთარი თავის შეცნობით იწყება. მათ შორის ისეთი ძირეული ცვლილება, როგორცაა პროფესიის არჩევა.

სიტყვა პროფორიენტაცია სულ რაღაც 2-3 წლის წინ გავიგე პირველად, როდესაც ბაკალავრით იურისტმა ფსიქოლოგიურზე გავაგრძელე მაგისტრატურა, პარალელურად კი გიდის კურსებს გავდიოდი ერთ-ერთ პროფესიულ კოლეჯში. მივხვდი, ამ ტერმინს ბევრი საერთო ჰქონდა ჩემს პროფესიულ ბიოგრაფიასთან.

სხვადასხვა კვლევებით, ადამიანების 70%-ზე მეტი არ/ვერ მუშაობს საკუთარი პირველადი სპეციალობით, ხოლო უკვე არსებული სამუშაოთი უკმაყოფილონი არიან. რა გარემოებები იწვევენ ასეთ კოლოსალურ პროცენტულ მაჩვენებელს? რომელი პროფესიაა კონკრეტული პიროვნებისთვის „ზედგამოჭრილი“ და რა შედეგები შეიძლება მოჰყვეს არასწორ არჩევანს? წინამდებარე მოკლე სტატიაში შევეცადები სწორედ ამ კომპონენტებ-

ზე გავამახვილო ყურადღება.

ისტორიის მანძილზე ჩნდებოდა, მოდიფიცირდებოდა ან ქრებოდა უკვე არსებული პროფესიები. უმუშევრობის მაღალმა დონემ საზოგადოებაში ლოგიკურად დასვა საკითხი მისი მიზეზების შესახებ. ერთ-ერთი მთავარი მიზეზი სწორედ დასაწყისში, არასწორად შერჩეულ პროფესიაში იმალება. ამიტომაც შეიქმნა ისეთი ახალი პროფესია, როგორცაა პროფესიული კონსულტანტი.

დღეს ტერმინს „პროფორიენტაცია“ სხვანაირადაც აყალიბებენ, მაგ.: პროფესიული კონსულტაცია და კარიერის დაგეგმვა - რაც ხაზს უსვამს პროფკონსულტანტის დახმარების არაერთჯერადობას, მის განგრძობად ხასიათს.

იდეალურ შემთხვევაში, არჩეული პროფესია უნდა შეესაბამებოდეს პიროვნების ინტერესებსა და ღირებულებებს, რომელსაც უნდა ჰქონდეს შესაბამისი ნიჭი და უნარები. ამავდროულად, დასაქმების ბაზარზე უნდა არსებობდეს პროფესიაზე მოთხოვნილება.

პროფესიული არჩევანი სწორედ ამ კომპონენტების ნარევია.

ისტორიულ წარსულში, პროფესიების ჩამოთვლა, ალბათ, ცალი თუ არა, ორივე ხელის თითების დახმარებით ნამდვილად იყო შესაძლებელი. ხშირად ხდებოდა პროფესიის მემკვიდრეობით გადაცემა. რამდენიმესაუკუნოვანი ტრადიციის შემდეგ კი მომავალი შთამომავლისათვის მისი გაგრძელება ერთგვარ ვალდებულებად იყო ქცეული. შესაბამისად, არჩევანის საკითხიც ასე მწვავედ არ იდგა, როგორც ეს ჩვენს დროშია.

გენეტიკურად პროფესიის არა, თუმცა უნარებისა და ნიჭის გადაცემა ნამდვილად შეიძლება. რა არის მთავარი პროფესიის არჩევისას? პირველი და უმნიშვნელოვანესი იმის გაცნობიერებაა, რომ არასწორი არჩევანი გაძლევს გარანტიას, დღეში მინიმუმ 8 საათი იყო უკმაყოფილო და „უბედური“. ეს არის არამართო პიროვნებისეული ტრაგედია, არამედ უდიდესი დანაკარგი სახელმწიფოსათვის, რადგან იგი კარგავს პოტენციურ პროფესიონალ კადრს. უფრო აკადემიურად თუ ვიტყვით, პროფესიის არჩევისას მთავარია გაიაზრო ახლა გაკეთებული არჩევნის მნიშვნელობა მომავალი ცხოვ-

რებისთვის. თუ კი ამ მომენტის კარგად გაცნობიერება მოხდება, მაშინ ჩნდება მოტივაცია - რაც შეიძლება კარგად შეისწავლო თავი და მოძებნო პროფესია, ან სპეციფიკაცია პროფესიაში, რომელიც იდეალურად მოგერგება

პროფკონსულტანტები ადამიანებს ეხმარებიან პროფესიული გადაწყვეტილების მიღებაში. მოკლედ რომ აღვწეროთ, მთელი პროცესი ასე გამოიყურება:

1.კლიენტის „ანონვა“ და „გა-

3.ინტერესებისა და შესაძლებლობების კომბინირებით სავარაუდო პროფესიების გამოკვეთა;

4.შერჩეული პროფესიების შესახებ ინფორმაციის მიღება და დასაქმების ბაზრის შეფასება;

თითოეული ამ ეტაპის გულდასმით გავლის შემდეგ, იმის გარანტია მაინც იარსებებს, რომ, სულ ცოტა, ჰუმანიტარული ნიჭისა და მიდრეკილებების მქონე ადამიანი არ გადაწყვეტს მიკრობიოლოგიის მიმართულებით კარიერის გაკეთებას.



მომავალი პროფესიონალისთვის. სპეციალობით უკმაყოფილების შემთხვევაში ბევრად ადვილი ხდება მონათესავე სპეციალობაში გადასვლა/გადამზადება, ვიდრე სრულიად ახალ სფეროში ყველაფრის ნულიდან დაწყება.

ვაკეთებთ დასკვნას, **Nosce te ipsum** რათა იპოვო შენთვის იდეალური პროფესია.

ნიკა ბაბლიშვილი


არჩეული პროფესია თუნდა შეესაბამებოდეს ჰიროვნების ინტერესებსა და ღირებულებებს.

ზომვა“ სხვადასხვა კრიტერიუმით და საშუალებებით;

2.პიროვნების მიდრეკილებებისა და ინტერესების გამოკვეთა;

ეს, ცხადია, ხუმრობით, თუმცა ზოგადი მიმართულების განსაზღვრა უკვე ძალიან დიდი დროის დაზოგვას ნიშნავს

სხვადასხვა კრიტერიუმით და საშუალებებით




იყო და არა იყო რა. უხსოვარი დროიდან ასე იწყებენ ზღაპრებს მეზღაპრეები და ყოველ სიტყვას ღრუბელი-

ვით ფაფუკს და გაზაფხულის მდელოსავით ფერადს ხდიან... მოზარდებსაც ასე გვაქვს წარმოდგენილი, ისე ვცხოვრობთ, თითქოს ჩვენი ცხოვრება ხუთგვერდიანი ზღაპარი იყოს და კვამლით დაბურულ ქვეყანაში ცისარტყელის ფერებს ვეძებთ. თუმცა, არსებობს მოზარდთა გარკვეული ნაწილი, რომელიც ნათელ ფერებს სიბნელისკენ გაურბის.

ძვირადღირებული ტანსაცმელი, ქურთუკი მდიდარმა მამამ აჩუქა. ერთ ჯიბეში ახალი გამოშვების მობილური უდევს, მეორეში - სიგარეტი სანთე-

ბელასთან ერთად. სახეზე ყოველთვის უცვლელი გამომეტყველება: წვერი აუცილებელია, მოჭუტულ თვალებთან და პირში სიგარეტთან ერთად. სამწუხაროდ, ამ მომენტში მისი მატერიალური შესაძლებლობა საგრძნობლად უსწრებს მის გონებრივ შესაძლებლობებს.

განათლების დაბალი დონე, ფასეულობების არქონა და უპატივცემულობა საპირისპირო სექსისადმი - ეს ის ძირითადი პრობლემებია, რაც შეიძლება გამოიჩინოს დღევანდელ თაობაში.



ახალგაზრდა ადამიანები ცდილობენ მცირედით დაკმაყოფილდნენ, რასაც არ სჭირდება შრომა, დრო და ძალა.

ფაქტობრივად, ისინი მხოლოდ მატერიალურზე ფიქრობენ და ცხოვრების ზედაპირული შეფასებით კმაყოფილდებიან.

დახეული შარვალი, რომელიმე ცნობილი ბრენდის ფეხსაცმელი, შავი ტყავის ქურთუკი - ეს დღევანდელი ქართველი ვაჟკაცია, რომელიც უნმანური სიტყვებით ცდილობს თავი მოაწონოს მანდილოსანს და ეკლესიის ეზოში სიგარეტს აბოლებს.

ახლა კი მინდა ჩემთვის დიდად სამწუხარო, მაგრამ რეალური მაგალითი მოვიყვანო და ამ მაგალითით დავახასიათო "განვითარების გზაზე" მდგომი მოზარდი გოგონა.

სულ რამდენიმე დღის წინ მარჯანი შვილის მოედანზე მივდიოდი, ჩემ წინ კი ორი პატარა გოგო სადღაც მიიჩქაროდა. ერთ-ერთ მათგანს

ხელში ეჭირა პოლიეთილენის პარკი, რომელსაც გზადაგზა ფლეთდა და ძირს ყრიდა. არ მინდა უხეშად გამომივიდეს, მაგრამ რა უნდა მოთხოვო ბიჭს, როდესაც გოგო ქალაქის ერთ-ერთ მთავარ მოედანზე ამგვარ საქციელს სჩადის.

თუმცა, არსებობენ ადამი-

დის. გამყიდველ ბებიას თქვენობით და ღიმილით ესაუბრება. მასწავლებელს ზურგს უკან არ აგინებს. ეკლესიიდან გამოსვლისას ეზოში პირჯვარს იწერს. სახლში მისვლისას მშობელს ეხუტება. გასცემს სითბოს და მშვიდი, განონასწორებული ხმით მიმართავს მანდილოსანს, რომლის მიმართაც გულგრილი არ არის. აქვს ზრდილობა და თვალეში თუ ჩახედავ, სიკეთის მეტს ვერაფერს დაინახავ..

დიხა! ჯერ კიდევ არის იმედი...

და ბოლოს - ჩვენ ბაღში დარგული პატარა ხეები ვართ, რომლებმაც ფეხი უნდა მოიკიდონ ჭიან და ჭუჭყით სავსე მიწაში. ფესვები უნდა გაიმყარონ

განათლების დონე, ფასეულობების არქონა და უჭატვიცემულობა საჭირისჭირო სქესისადმი - ეს არის პირითადი ჯრობლეშენი.

ანები, მოზარდები, რომელთა დანახვაც ყოველ ჯერზე ღიმილს მგვრის. ტრანსპორტში ბიჭი ადგის უთმობს გოგოს. კარში შესვლისას ჯერ გოგოს ატარებს, მერე კი თვითონ შე-

ირგვლივ, ან უნდა ამოხეთქონ და გასცდნენ საზღვრებს, ან დარჩნენ უმოქმედოდ, უნაყოფო.

სალომე შალიკაშვილი

ფსიქოლოგია

ბულინგი



ყოველი პიროვნება გარკვეულ ოჯახში ან გარემოში იზადება, რომელიც პირველი სოციუმია მისთვის. ბავშვი, რომელიც უკვე პატარა პიროვნებაა, იქ ეცნობა სამყაროს თავისებურებებს, უყალიბდება მოქცევის წესები, ღირებულე-

ბათა სისტემა და ა.შ. შემდეგ ჩნდება ცხოვრების ახალი ეტაპი - საბავშვო ბაღი, სადაც იწყება პიროვნული რეალიზება და გრძელდება მთელი ცხოვრება. ბავშვის განვითარების ყოველ ასაკს თავისი გამოწვევები აქვს, რომელსაც,

თავის მხრივ, ჯანსაღად გადალახვა სჭირდება, რათა ჩამოყალიბდეს ჯანსაღი მე - იდენტურობა და, შესაბამისად, სწორი ხედვა სამყაროსთან მიმართებაში.

ზოგადად, ყველა ჯგუფს გარკვეული წესები და ურ-

თიერთობის ნორმები აქვს, რათა დაცული იქნეს როგორც საკუთარი, ასევე სხვათა უფლებები. ამის გარეშე ვერც ერთი ჯგუფი ვერ იარსებებს. მაგრამ ზოგჯერ ხდება ისე, რომ ურთიერთობის ნორმები ირღვევა და ძალადობის, დაცინვის და დამცირების სახეს იღებს, ანუ, სხვაგვარად რომ ვთქვათ, საზოგადოებაში ადაპტირების არასწორი გზა გამოყენებული. ამგვარ გამოვლინებებს, ანუ სხვის მიმართ ფსიქოლოგიურ ან ფიზიკურ ძალადობას ფსიქოლოგიაში - ბულინგი ეწოდება (ინგლისურად bully - ხულიგანი, მოჩხუბარი, მოძალადე), ხოლო პირს, რომელიც ჩაგვრას ახორციელებს - ბულერი.



ტყუილისაკენ მიდრეკილება და ა.შ. ეს ის შექნილი თვისებებია, რომლებიც, ცხოვრების სხვადასხვა ეტაპზე, სხვადასხვა ფაქტორმა გამოიწვია და

ნებისმიერ ადამიანს ხომ აქვს ის რაღაც უნიკალური შესაძლებლობა, ტალანტი, რომელსაც აუცილებლად აღმოჩენა და განვითარება სჭირდება. ეს არის სვლა თვითშემეცნებისკენ. საკუთარ განცდებთან და ემოციებთან ღრმა კონტაქტი კი, თავის მხრივ, დასაწყისია პიროვნული განვითარებისა. ამისთვის მოზარდმა შეიძლება დაიხმაროს მშობელი, ფსიქოლოგი და ა.შ.

თუკი მოზარდი საკუთარ თავს აღმოაჩენს, მისთვის უკვე მარტივი ხდება მიიღოს და პატივი სცეს მეორე ადამიანის თავისებურებებს. უფრო მეტიც, დაცინვისა და დამცირების ნაცვლად დახმარების სურვილიც კი გაუჩნდება სხვის მიმართ.

ამრიგად, როგორი რთული გამოწვევა არ უნდა მიიღოს პიროვნებამ განვითარების სხვადასხვა ეტაპზე, როგორი სირთულეც არ უნდა ჰქონდეს გადატანილი სოციალურად ადაპტირებისთვის, ნებისმიერ დროს შეიძლება მან აიღოს პასუხისმგებლობა საკუთარ საქციელზე და სიყვარულით, სიხარულით გააგრძელოს ურთიერთობა ირგვლივ მყოფ ადამიანებთან.

იმპულსურობა, მალაღობა ან დაბალი თვითშეფასება, აგრესიულობა - ეს ის შექნილი თვისებებია, რომლებიც, ცხოვრების სხვადასხვა ეტაპზე, სხვადასხვა ფაქტორმა გამოიწვია და ერთი მთლიანი ჯაჭვივით არის ვადანმუშეული ერთმანეთთან.

ვინ არის ბულერი, რა თვისებები აქვს მას, და საერთოდ, რატომ სჭირდება ამ პიროვნებას ურთიერთობის ასეთი ფორმით ადაპტირება სამყაროში? ვფიქრობ, ეს ის კითხვებია, რომელზეც მოზარდები ხშირად უნდა ფიქრობდნენ.

იმპულსურობა, გამაღიზიანებლობა, ემოციური მერყეობა, მალაღობა ან დაბალი თვითშეფასება, აგრესიულობა, კომუნიკაციური ჩვევების არქონა აღიარებული ნორმებისა და წესების გარეგნულ დაცვა-სთან ერთად, თაღლითობისა და

ერთი მთლიანი ჯაჭვივით არის ვადანმუშეული ერთმანეთთან, მაგრამ ყველაზე მთავარი, რაც ამ თვისებების აღმოცენებას უდევს საფუძვლად - ერთი მხრივ, საკუთარ თავთან არასწორი კონტაქტისა და მეორე მხრივ, ემპათიის (თანაგანცდის) არქონის შედეგია. საკუთარ თავთან სწორი ურთიერთობა იწყება მაშინ, როდესაც პიროვნება დაფიქრდება და აღმოაჩენს თავის ძლიერ და სუსტ მხარეებს, ეს ნიშნავს, აღმოაჩინო შენი რესურსი და ის არეალი, სადაც უნდა დაიწყო პიროვნული განვითარება.

„ძვლებიც ყი ფიქრობს საქართველოზე“ (ზიოჯრჯიძე)

ქაქუსა როსოყაზიცი

შემოდგომის მზიანი დღე იდგა.

ვიჯექი ფანჯარასთან და მთანმიდას გავყურებდი. შემოდგომის ფერებს კიდევ უფრო მომხიბვლელი გაეხადათ ის. ვიხსენებდი ყველა იმ დიდ ქართველს, რომელთაც სამუდამო სამყოფელად სწორედ ეს წმიდა მთა მიუჩინა ერმა. ისინი ლოუქები მსხდარნი აცრემლებული თვალებით გადმოჰყურებდნენ სახემეცვლილ თბილისს.

გავყურებდი და ვფიქრობდი ადამიანებზე, რომლებმაც თავი განირეს საქართველოს დამოუკიდებლობისთვის. მხოლოდ რჩეულთა ხვედრია ამ წმიდა სავანეში დამკვიდრება. არ ვიცი რატომ, მაგრამ პირველი ქაქუსა ჩოლოყაშვილი გამახსენდა. ღირსეულ წინაპართა ღირსეული შთამომავალი. ლეგენდად ქცეული ქაიხოსრო.

ქაქუსა - ამ სახელის ხსენებისას თვალწინ წარმოგვიდგება საქართველოს ეროვნულ გმირად შერაცხილი, სამშობლოს თავისუფლებისა და ბედნიერებისათვის მებრძოლი, ერის საამაყო შვილი.

დაიბადა კახეთში 1888 წელს. პატარაობიდანვე ეტყობოდა, რა სულისკვეთების პიროვნებადაც ჩამოყალიბდებოდა და რომ ამ სულისკვეთების კაცი, რა თქმა უნდა, სამხედრო სამსახურს აირჩევდა.

1921 წელს ქართულ სულს ბოროკილები დაედო.

„ვაი, მამულო, რამდენს ჰგონია, ვისაც სიტყვა არ აუნონია,



რომ საქართველოს, ნამძღვევ გოლიათს,

ხმალამოღებულს არ უბრძოლია.“

უბრძოლია და ვერც ახალ ბოროტებასთან შეწყვეტდა ბრძოლას, მამული ერთგულ შვილებს უხმობდა საშველად.

როგორც მიხეილ ჯავახიშვილი ამბობდა, ვარდისფერი საქართველო განთლდა. ქართველებს ქაქუსა ეიმედებოდათ. ქვეყანა შვილებს იხმობდა. და აი, საქართველოში შეფიცულთა რაზმი გამოჩნდა - ქაქუსას რაზმი.

ვისაც მამულისათვის გული უძგერდა და ვისაც მკლავი უჭრიდა - ყველა ქაქუსასკენ იწვედა. იმ დროიდან ქართველი ერის გულისყური, იმედი ჩოლოყაშვილსა და მის შეფიცულ რაზმს დაუკავშირდა.

„ველად გაჭრილა ქაქუსა, ჩოლოყაშვილის გვარისა, გვერდში ჰყავს ბევრი ვაჟკაცი, მტრის დამყენები თვალისა.“

არ ეშინიათ სიკვდილის, თავი აქვთ გადადებული, სურთ საქართველო დაიხსნან ურდოთგან აოხრებული.“

საქართველოს დამოუკიდებლობის მოპოვების შემდეგ ქაქუსა ჩოლოყაშვილმა საქართველოს ჯარში დაიწყო სამსახური და მონაწილეობდა ყველა ბრძოლაში, რომლის გადახდაც ჩვენს ქვეყანას იმ პერიოდში მოუწია.

1924 წელს ქაქუსამ აჯანყების

დროშა ჩაიბარა. დაიწყო აჯანყება საქართველოს თავისუფლებისთვის, მაგრამ მეთამბოხეები დამარცხდნენ. ქაქუსა იძულებული გახდა თანამებრძოლებთან ერთად სამშობლო დაეტოვებინა.

საქართველოს საამაყო მამულიშვილი, სამშობლოდან შორს, 1930 წლის ივლისში გარდაიცვალა: „არნივმა მხრები დაუშვა, მიძიმედ დახუჭა თვალია აღარ გვყავს

ჩოლოყაშვილი, ზეცით დარეკა ზარია.“

საფრანგეთში, ქალაქ ლევილში, ქართველი ემიგრანტების აშენებულ მართლმადიდებლურ სასაფლაოზე დაასაფლავეს ქაქუსა:

„მითხარ შენდობა და ჩემს მხარესა, ოდეს მოუთხრობ ამბებს მხარესა,

სთქვი, რომ წარწერა იხილე ლოდზე, ძვლებიც კი ფიქრობს საქართველოზე!“

გადმოცემით, ოთახში, სადაც ქაქუსამ სიცოცხლის უკანასკნელი დღეები დაჰყო, სავარძლის თავსაყუდზე ჯვარი, ორი თუ სამი წმინდანის ხატი და ტყავში გამოკერილი ქართული მინა ენყო.

ბედის უკუღმართობით იძულებით ემიგრირებული ქართველი მამულიშვილის, ქაქუსა ჩოლოყაშვილის ოცნება გარდაცვალებიდან 75 წლის შემდეგ ასრულდა. 2005 წლის 21 ნოემბერს მისი ნეშტი ერის რჩეულ შვილთა გვერდით მამადავითის სავანეში გადმოასვენეს:

„და ერმა ვალი მოიხადა. „ცაფირუზმა“ შავი გაიხადა.

„ხმელეთ-ზურმუხტმა“ გაიხარა.

ქაქუსა მთანმიდის მიწამ მიიბარა.“

ოლეანა გუნიანა

ჯანმრთელობა რა ზიჯიზა

ვინ არ ოცნებობს ლამაზ და ჯანმრთელ, ძლიერ და გლუვ ფრჩხილებზე, რომელიც მანდილოსნისთვის თვალსაჩინო სამშვენისია ყურადღების ცენტრში ყოფნისთვის?!

იმისათვის, რომ ფრჩხილები უფრო მაგარი გაგიხდეთ, გთავაზობთ რამდენიმე რეკომენდაციას სასურველი შედეგის მისაღწევად.

•საჭიროა სპეციალური დიეტა და რეგულარული მოვლა, საკვებში გამოიყენეთ ვიტამინებით მდიდარი პროდუქტები: ნალები, კვერცხი, სტაფილო, სა-

ლათი, ასკილი, ბარდა, კარტოფილი, შავი პური, კომბოსტო, მცენარეული ზეთი. თქვენთვის აუცილებელია მიკროელემენტებიც: რკინა, ფოსფორი, კალციუმი. თქვენ მათ იპოვით ყვავილოვან კომბოსტოში, მჟაუნაში, ჰერკულესის ფაფაში, ყველში, გარგარში, ხორცში, თევზში.

•დღეგამოშვებით გაიკეთეთ აბაზანები ფრჩხილებისათვის: 0,5 ჭიქა ოთახის ტემპერატურის ზეითუნის ზეთს დაუმატეთ ორი სადილის კოვზი ლიმონის წვე-

ფრჩხილები

ნი. ამ ნარევეში ჩაყავით თითის წვერები 15-20 წუთით. პროცედურის შემდეგ გულმოდგინედ შეინძინდეთ თითები.

•ერთ ჭიქა თბილ წყალში გახსენით ორი სადილის კოვზი ზღვის მარილი. ჩაყავით თითები 10-15 წუთით, შემდეგ გადაივლეთ თბილი წყალი.

•ყოველდღიურად, ღამ-ღამობით, შეიზილეთ ლიმონის წვენი ფრჩხილების საზრდელში.

•ფრჩხილებზე ლაქის წასმის წინ იოდი წაისვით.

მანია გერაია

აქტიური სხაროვსრისა


„ვკვებავ, დავრჩე აქტიური მოქალაქე ვიქლო, რომ ეს ჩემი პირდაპირი მოვალეობა“

კერძო მრავალპროფილიანი სკოლა „ინტელექტი XXI-ს“ მოსწავლე, 17 წლის გიორგი მამულაშვილი არის დამფუძნებელი „ევროპული ახალგაზრდული ცენტრისა“ და „საქართველოს ახალგაზრდული ევრო-ატლანტიკური კოალიციის“

როდიდან დაინტერესდი პოლიტიკით და რატომ?

-საგარეო პოლიტიკის საკითხებით, განსაკუთრებით კი საქართველოს ევრო-ატლანტიკური ინტეგრაციის საკითხით ჯერ კიდევ 15 წლის ასაკში დაინტერესდი. ყურადღებით ვადევნებდი თვალს მიმდინარე პროცესებს, რაც განსაკუთრებით საინტერესო აღმოჩნდა ჩემთვის. მივხვდი, რომ საქმე ეხებოდა ჩემი ქვეყნის მომავალს. ამიტომ გადავწყვიტე პროცესებში აქტიური ჩართვა.

-და როგორ მოახერხე ამ ყველაფერში ჩართვა?



ვინმე თუ დაგეხმარა?

-ვფიქრობდი და ახლაც ასე ვფიქრობ, რომ იმ ეტაპისთვის საუკეთესო გზა იქნებოდა არასამთავრობო ორგანიზაციის დაფუძნება. ბუნებრივია, განვსაზღვრე ის მიმართულებები, რომელზეც შეიძლებოდა მემუშავა. ამის შემდეგ ყოველივე ეს გავაცანი ჩემს თანამოაზრეებს. მოგვიანებით შევქმელი საქართველოს პრემიერ-მინისტრის ადმინისტრაციასთან დაკავშირება. მისი საშუალებით კი „ნატოსა და ევროკავშირის შესახებ“ საინფორმაციო ცენტრს დაუკავშირდი. ცენტრმა მხარი დაუჭირა ჩვენს ინიციატივას. სწორედ მათი დახმარებით მოხდა „ევროპული ახალგაზრდული ცენტრის“ დაფუძნება.

-გვესაუბრე თქვენი ორგანიზაციის მიზნებზე.

-ორგანიზაცია „ევროპული ახალგაზრდული



ცენტრი“ რამდენიმე მიმართულებით მუშაობს. ბუნებრივია, პრიორიტეტულია საინფორმაციო-საგანმანათლებლო კამპანიის განხორციელება ძირითადად „ნატოსა“ და „ევროკავშირის“ შესახებ. ვმუშაობთ გარემოს დაცვის საკითხებზეც, დიდ ყურადღებას ვუთმობთ კონფლიქტებისა და უსაფრთხოების საკითხებზე მუშაობას. ვთვლი, რომ ახალგაზრდების ჩართულობის გაზრდა მნიშვნელოვანია.

- და რა გზით ახერხებთ მათ ჩართვას? ინფორმირებას?

-ამის რამდენიმე გზა არსებობს, ჩემი აზრით, ყველაზე მეტად ეფექტურია პირდაპირი კომუნიკაცია, ანუ შეხვედრები მოსწავლეებთან, რომლებიც ხშირად იმართება. ჩვენი წარმომადგენლები სტუმრობენ სკოლებს. აგრეთვე, ვმართავთ დებატების ტურნირებს ევრო-ატლანტიკური ინტეგრაციის საკითხებზე, სხვადასხვა მოდელირებებს. იმართება შეხვედრები სპეციალისტებთან, საჯარო პირებთან.

- რა უნდა გააკეთოს ახალგაზრდამ იმისთვის, რომ თქვენს ორგანიზაციას შეუერთდეს?

-გასულ, 2015 წელს ორგანიზაციაში შეიქმნა თვითმმართველი პალატა, რომელიც 25 წევრით კომპლექტდება. პალატა ერთი წლის ვადით მტკიცდება, ასე რომ, თუ ახალგაზრდა მოტივირებული, დაინტერესებული და აქტიურია, აუცილებლად მოახერხებს ჩვენი ორგანიზაციის წევრობას.

- როგორ ფიქრობ, რამდენად ინფორმირებულია დღეს საზოგადოება იმ საკითხებზე, რომლებზეც თქვენ მუშაობთ?

- ვფიქრობ, რომ მიუხედავად აქტიური საინფორმაციო კამპანიისა, რომელიც ბოლო რამდენიმე წლის განმავლობაში ხორციელდება, საზოგადოების დიდი ნაწილი დღესაც არ არის სრულყოფილად ინფორმირებული.

- თავად ირჩევთ, სად, რომელ სკოლაში მიხვიდეთ თუ გიკავშირდებიან?

- ძირითადად ჩვენ ვირჩევთ სკოლებს, სადაც უნდა გაიმართოს შეხვედრები, მაგრამ ყოფილა შემთხვევები, როდესაც თვითონ დაგვიკავშირდ-

ნენ.ჩვენი წარმომადგენლები აუცილებლად მივლენ სკოლაში. აქვე, ვისარგებლებ შემთხვევით და დავაანონსებ საინფორმაციო კამპანიის ახალ ტალღას თბილისის სკოლებში, რომელიც 25 იანვრიდან დაიწყება. გადავწყვეტით მივიდეთ დედაქალაქის ყველა სკოლაში.

- როგორ უნდა დაგიკავშირდეთ დაინტერესებული პირი?

- ორგანიზაცია: „ევროპული ახალგაზრდული ცენტრი“ მობ: (+995)557718899

ელ-ფოსტა: eyouthcentre@gmail.com

ორგანიზაცია: „საქართველოს ახალგაზრდული ევრო-ატლანტიკური კოალიცია“

მობ:(+995)555319797 ელ-ფოსტა: euroatlanticcoalition@gmail.com

- სამომავლოდ რა გეგმები გაქვს?

- წელს დავიწყებ უნივერსიტეტში სწავლას. ვფიქრობ, ეს ახალი, საინტერესო ეტაპი იქნება. ვაპირებ სწავლა გავაგრძელო საერთაშორისო ურთიერთობების მიმართულებით. ბუნებრივია, ვიქნები აქტიური სამოქალაქო საქეტივობშიც. არაერთი იდეა მაქვს, რომელზეც ახლა ვმუშაობ და უახლოეს მომავალში საზოგადოებასაც გავაცნობ. მათ შორისაა მედიაპროექტის დაწყებაც. აგრეთვე, ეკო-სკოლის დაფუძნება. გვეგმავ, დავრჩე აქტიურ მოქალაქედ. ვთვლი, რომ ეს ჩემი პირდაპირი მოვალეობაა.


- ბოლოსთვის, რას ურჩევ თანატოლებს?

- თითოეულ ჩემს თანატოლს მოვუწოდებ მაქსიმალური აქტიურობისკენ. მინდა, კარგად გააცნობიერონ, რომ მათი ჩართულობა ამ უმნიშვნელოვანეს მომენტში გადამწყვეტია. სწორედ ჩვენ ვართ ის ადამიანები, რომლებიც რამდენიმე წელში ქვეყნის მართვის სადავეებს გადავიბარებთ. ასე, რომ ნუ დაელოდებიან სხვას და დაიწყონ დღეს. ვფიქრობ, სწორედ ასე შევძლებთ ევროპული ტიპის სახელმწიფოს შექმნას. 2016 წელს კი ვუსურვებ თავიანთი შესაძლებლობების რეალიზებასა და წარმატებებს.

გვანცა გობიაშვილი

მასწავლებლის გვერდი

გრიგოლ ხანძთელი, დავით აღმაშენებელი, ილია ჭავჭავაძე ანუ საქართველოს სული



VII –IX საუკუნე. არაბთა ბატონობა და არაბთა უღლის წინააღმდეგ მებრძოლ ქართველთაგან ერთი განსაკუთრებული – ნერსე ერისთავი. „მამულისა ჩვეულებისამებ სვლის გზა“ გამრუდებულია. ნერსემ, დიახ, ნერსემ ჩამოიყვანა ღვთის ნებით აბოთბილისში. აქ ეზიარა ქრისტეს რჯულს და აქ დაენთო სასანთლესა ზედა, ვითა სანთელი, თავად დაინვა და რწმენაშერყეულ ქართველობას კი გონება გაუნათა, ღვთისკენ მოახედა. ნერსეს, დიახ, ნერსეს ოჯახში გაიზარდა გრიგოლ ხანძთელი, დიდი საეკლესიო და საერო მოღვაწე, უდაბნოს ქალაქადმყოფელი, „ზეცისა კაცი და ქვეყანისა ანგელოსი“, ტაოკლარჯეთის ამალორძინებელი, ქართველთა სულიერი აღმზრდელი. არ ვაჭარბებ, ჭეშმარიტად რომ აღმზრდელი, რადგან მის

მიერ აგებულ ტაძრებში ქადაგებდნენ უმთავრესს – ღვთისა და მოყვასის სიყვარულს, მამულის სიყვარულს, თავისუფლების სიყვარულს: „ქართლად ფრიადი ქუეყანაი აღირაცხების, რომელსაცა შინა ქართულითა ენითა ჟამი შეინირვის და ლოცვაი ესე ყოველი აღესრულების.“ ეს პირდაპირი განცხადებაა, რომ საქართველოს ეკლესია უნდა იყოს ავტოკეფალიური, ავტოკეფალიური ეკლესია კი სანინდარია თავისუფალი საქართველოსი.

გრიგოლმა რუდუნებით, სიყვარულით აღზარდა ქართველობა, რომელიც მოთმინებით ელოდა ყოჩს, ვინც წინ წარუძღვებოდა პირმეტყველ ცხოვართ ქვეყნის თავისუფლებისაკენ და აი, „ზეცამ წყალობად, ნუგეშად ივერსა აოხრებულსა მოუვლინა დავითი, დავით IV და აღიმართა დროშა გორგასლიან- დავითიანი, შეიმუსრა მტერი ვერაგი, დაითრგუნა შინაური ლალატი, წინსვლა დაინყო ქვეყანამ. რეფორმები უდიდესი ძალისხმევით გატარდა და მივიღეთ ქვეყანა „ნიკოფსიიდან დარუბანდამდე გაჭენებული და გამოჭენებული.“ და ასეთი ქვეყანა გადაიბარა შთამომავლობამ დავითისამ, რომელსაც მაღლიერების გამო ერმა აღმაშენებელი უწოდა და წმინდანად შერაცხა, არსენ იყალთოელმა კი ეპიტაფია ჩამოქნა:

„ვის ნაჭარმაგევს მეფენი თორმეტნი პურად დამესხნეს. თურქნი, სპარსნი და არაბნი საზღვართა გარეთ გამესხნეს, თევზნი ამერთა წყალთაგან მიერთა წყალთა შთამესხნეს,

ანცა ამისა მოქმედსა გულზე და ხელნი დამესხნეს.“

განისვენა დავითმა გელათს, ქართველთ კი ანდერძად დაგვიგდო: „ფენი დამადგით, გულზე დამადგით ფენი ყოველმან, წყალობა ჰყავით საქართველოსი ყოვლის მპყრობელმან ვისურვე დავით“.

წლები, საუკუნეები გადიოდა. არ შეიძლება ხალხმა დიდი წინაპრისაგან მოპოვებული პოზიციები დათმოს, პოზიცია სახელმწიფოსი, რომელიც თავის სურვილებს ჰკარნახობდა აღმოსავლეთის უძლიერეს სახელმწიფოებს. ამისთვის ერმა უზღვავი ენერჯია გაიღო.

დადგა 1801 წელი და ფარნავაზის ქართული სახელმწიფო, დავითის დიდი სახელმწიფო, თამარის ოქროს ხანის სახელმწიფო რუსეთის იმპერიამ ჩაყლაპა, გაქრა საქართველო მსოფლო რუკიდან. უძლოურ იქმნენ ქართველები, ქედი ნაუხარეს მონობას. გრი-





გოლსა და დავითს მესამე ერისკაცი ამოუდგა გვერდით, ერისკაცი, რომელმაც ამოიკვნესა: „ოჰ, ღმერთო ჩემო, სულ ძილი, ძილი, როსლა გველიროსო ჩვენ გაღვიძება“ და ერის გამოღვიძებისათვის დაიწყო ბრძოლა. ილია დავითივით იბრძოდა, იბრძოდა კალმით, შეგვაგონებდა, გვასწავლიდა, გვკილავდა, გვკიცხავდა, გვებრძოდა, თუ ეს საჭირო იყო, არ ინდობდა უნიათობას.

„წამებულნი და სისხლთა მთხველნი მამულისათვის რამ გვასუღმგულა? იმან, რომ ვიცოდით, იმ დროს რა უნდოდა, რა იყო მისი ციხე-სიმაგრე, მისი ფარ-ხმალი. ვაჟკაცობა უნდოდა – ვაჟკაცი ვიყავით, ხმალი უნდოდა, ხმლის ჭედვა ვიცოდით. ომის საქმის ცოდნა უნდოდა, ომის საქმენი ვიცოდით.

აი, რამ შეგვაძლებინა, რამ შეგვინახა... სიღბო გვექონდა ნაქსოვისა, ვით ქრისტიანებს და სიმტკიცე ნაჭედისა, ვით მეომრებსა და მამულიშვილებს. ამით გავიტანეთ თავი. დროთა შესაფერი ღონე ვიცოდით, დროთა შესაფერი ხერხი ვიცოდით, დროთა შესაფერი მხნეობა და გამრჯეულობა... და ნუხდა ილია, რომ წავიდა ეს დრო. დიდი დაკვირვება არ სჭირდება იმის მიკვლევას, რომ ილიას სიტყვებში დაუოკებელი ენერგია იგრძნობა.

ნახევარი საუკუნეც არ დასჭირდა ეროვნულ გონს სულის მოსათქმელად, რომ ერთიანად გამოფხიზლებულიყო და ასპარეზზე გამოსულიყო ქართველი ხალხის მისწრაფებანი. ილიამ დიდი საქართველოს აშენების პროგრამა დაუსახა ხალხსა და ქვეყანას. მაგრამ ოჰ, რარიგად ყვაოდა ლალატი საქართველოში?! დადგა დრო ვარდისფერი საქართველოსი... დრო ნითელი საქართველოსი..... მერე დამუქებულ საქართველოსაც დავაღნიეთ თავი. გრიგოლ ხანძთელი, დავით აღმაშენებელი და ილია ჭავჭავაძე დღესაც შეგვთხოვენ: ქართველებო, იღვანეთ და ააშენეთ

დიდი საქართველო, რადგან საქართველოს არა აქვს უფლება ღირსეული ცხოვრებით არ იცხოვროს. ერთბაშად დიდი ქვეყანა არ შენდება, მაგრამ ქართველი ხალხის უკეთეს შვილთა მიერ იმდენი ფიქრია დამწვარი ჭეშმარიტი გზების გასანათებლად, რომ, ილიას თქმისა არ იყოს, საქმეს ითხოვს ეს ნაფიქრი. საქმით მეტყველებაა საჭირო. ქართველებმა საქმეც იციან. წარსულისკენ გავიხედოთ, სადაც დგანან ჩვენი წინაპრები, დგანან და მიმზიდველი, მშვიდი მზერით უკიდევანო სივრციდან იმედით შემოგვცქერიან.

178-ე საჯარო სკოლის ქართული ენისა და ლიტერატურის მასწავლებელი
ციციწო ჯაბახიძე

„ჩქენი ქნა ქართული...“

გამოვეხმაუროთ უწმიდესისა და უნეტარესის, სრულიად საქართველოს კათოლიკოს-პატრიარქის მოწოდებას: მოვიძიოთ ქართულ ენაში არსებული მდიდარი საგანძურიდან სიტყვები - ჩვენი ტკბილი ქართული, დავამკვიდროთ ჩვენს გაღარიბებულ მეტყველებაში და ახალი სიცოცხლე შევძინოთ მას.

სახიში - ტვირთი

ჭალაკი - კუნძული

სიხმილი - შიმშილი

დაღლარჭნული

- დაგრეხილი

თვალშხვპვი - პატივის

მიგება მიუკერძოებლად.

საჭურჭლე - სიმდიდრე

ჯაბანი - მხდალი

შეფრფინვა - აღტაცება

ჭანბი - კლანჭი

უსუქარი - გამხდარი

ქრისტიანული ივანობა

ბაბუა შვილიშვილს ცხოვრებისეულ ჭეშმარიტებას უხსნის:

- ყოველ ადამიანში მიმდინარეობს ბრძოლა, რომელიც ძალიან ჰგავს ორი მგლის ორთაბრძოლას. ერთი მგელი ბოროტებას წარმოადგენს, ეს არის: შური, ეჭვიანობა, სიძულვილი, ეგოიზმი, ამპარტავნება, სიცრუე... მეორე მგელი სიკეთეს წარმოადგენს, როგორცაა: მშვიდობა, სიყვარული, სასოება, ჭეშმარიტება, ერთგულება...

- ბოლოს რომელი მგელი იმარჯვებს? - კითხულობს პატარა.

- ყოველთვის ის მგელი იმარჯვებს, რომელსაც შენ კვებავ, - ლიმილით პასუხობს ბაბუა.



მარიამ მესტიაშვილის ნახატი, 15 წლის

სარედაქციო კოლეგია: ანა ოქროსიშვილი,
კონსულტანტები: სათუნა ლაბაძე, ციციხო ჯულუხიძე
რედაქტორი: ელენე გუნია
ააიპ ორგანიზაცია „ღირსეული თაობა“

მისამართი: თბილისი 0172,
მუხიანის IV ბ მ/რ, კორპუსი N38, ბინა N100
ტელ: 555-10-3883, 598-75-35-03, 263-08-26.
ISSN 2346-8122 ტირაჟი: 150 ცალი

სარედაქციო კოლეგია მადლობას უხდის ინდ-მენარმე გია ჯულაყიძის ფინანსური თანადგომისთვის

